

六洞記

章宗卿

天作南北星斗辨之地分方夏山川間之其土殊其鎮異故磅礴博厚隱嶙鬱崔連岡走峰千里一息秦之山也發地干霄上爲嵯峨攢空交映積爲崇山越之山也桂林千巖競秀世情賤目故茲山接城郭之間億萬斯年人未稱焉其爲狀也前虛明而散祝融之火後清泚而壓玄武之水外孤峰而競聳中六洞而潛通諒仁智之所樂信靈仙之所宅登山自西舉趾維左首至於南華峒峒中水長十餘步濶不可踰深不可測澄爲靈泉播爲陽江水側平坦可坐數十人自南華峒西轉五十步至夕陽峒峒長數十丈其旁有水與峒終始在水之東高下有石如

道藏輯要

天下名山記  
廣西六洞章

五

軫集六  
X 七 川

砥如礪十數人可想峒窮有大石高可跋又廣不盈尺鑿穴而望復使下尋有潭東去莫究深廣又北轉而東八十步至於石門石門又東北十五步至北牖峒峒虛潭幽其水潑墨中有巨魚可三四尺鏤鱗鏟甲朱鬚頰尾或見爲龍以敬之潭之左右怪石萬狀如鳥斯飛如虎斯蹲如衣裳發笥如龍蛇出奔乳竇懸玉石壁流雲潭之南有石峒有便房高有石窻追琢不加清瑩可愛又東南轉山一十步至朝陽峒峒中有水旁浸潭側長可數十步三峒之水周圍相通亂於池入於江水中石高可三尺其色白其容光圓如薰籠大如巨床以其水浸於潭側故曰側潭尋側潭之西數十步上有潛洞歷險可至窈窕深邃羽

人來壅却上南壁約六七丈有雙碧石盤懸如半壁容水數升其上尋有一白石盤常有水升餘酌之不竭味甘如醴色白凝乳煎以愈病飲以駐顏其側可坐五六人左右石壁皆光滑密緻有如磨礪不礙綿絮却下從峒口北轉路絕越險山屐不通構梯架空得至雲戶戶內博敞容三十人旁透虛明洪纖可鑿有貞石榻勒爲碁局對以手談局之左右可以偃仰賓從徒侶各有攸處出雲戶下視北牖蒙溪如指諸掌戶外有二徑其一直上至山頂山之最高處也桂江屬望縈紆若帶越嶺遐眺點簇如黛寸眸千里周覽一息構亭其上以俟登臨是歲秋慶雲見於西方萬狀競變五色相鮮旣而亭構因目之爲慶雲亭自

道藏輯要

天下名山記  
廣西六硯章

三

軫集六

亭下至南華峒口一徑西去十餘步至白雀峒郡人有獲白雀來獻者雪毛霜羽頰觜紅趾且徵雀瑞因志峒名峒口狹隘側身稍通漸下十餘步有立石望之如人次有石堂光滑寬敞可容數十人從此更下有玄潭深黑莫測潭東西巖上有石樓高低可二三尺自下而望如粧點成樓南有二石相去數尺被服如人若就樓而看者玄潭泓澄水色如墨見者神竦乃作閣道架潭瞬息疾過西南透於石穴中石穴路右復有乳垂亦如朝陽峒者視其周圍但微小耳峒內有穴通嘉蓮峒峒開而未得名會有獻同心蓮者遂紀事而名之從峒北出六十步西去有峒其深不測中路多白蝙蝠飛舞在空從東有穴棧閣盤迴却

透玄潭之北有兩穴東穴透明長可數丈人不可過莫能究之  
西穴出於峒口峒內平坦石榻縱橫湯茗在茲笙竽以間有石  
琴薦寘以撫絃聲越金玉自峒西去至夕陽西山復人寰六峒  
之能事畢矣自諸水隱山下池溢日蒙泉派合成流水源有二  
其一源自夕陽注嘉蓮經白雀厯朝陽旁浸北牖出於南華流  
止積爲池其一源自蒙溪溪源在北牖峒東北里餘出於北山  
自山南流會於南華峒水合而成池池因山麓不資人力高深  
向背繚繞縈迴五六里間方舟蕩漾靡微風鏡清波棹女唱榜  
人歌羽族載依鳧鷖翔泳鱗介是宅魚鼈噉喙野花依蘼游絲  
轉空蘋末清風荷底水紅奠者取飢者採與人同利恨斯池之  
道藏輯要

天下名山記  
廣西六峒章

三 軫集六  
川志步

不大也招提之南長松夾路陰濃蔽日韻響含秋外有連理松  
異本同幹內有偃蓋松低枝覆空松側有竹黃緣盡岸策杖未  
窮步履猶遠北牖峒口有閒田砥平南北十餘步東西稱是乃  
作水閣立風廊闢廚戶列便房華而不逾險而不偏面茲池以  
滉漾對他山之青翠絲竹競藝寶僚滿觴歌聲遏雲舞影臨水  
取樂今日鄉心暫忘